

妙法蓮華經。藥王菩薩本  
事品。第二十三  
爾時宿王華菩薩。白仏言。  
世尊。藥王菩薩。云何遊  
於。娑婆世界。世尊是藥  
王菩薩。有若干百千萬億。  
那由佗。難行苦行。善哉  
世尊。願少解說。諸天。  
龍。神。夜叉。乾闥婆。  
阿修羅。迦樓羅。緊那羅。  
摩睺羅伽。人非人等。又

佗国土。諸來菩薩。及此  
聲聞衆。聞皆歡喜。爾時  
仏告。宿王華菩薩。乃往  
過去。無量恒河沙劫。有  
仏号。日月淨明德。如來。  
心供。正徧知。明行足。  
善逝。世間解。無上士。  
調御丈夫。天人師。仏。  
世尊。其仏有八十億。大  
菩薩摩訶薩。七十二恒河  
沙。大聲聞衆。仏壽四万

二千劫。菩薩壽命亦等。  
彼國無有女人。地獄。餓  
鬼。畜生。阿修羅等。及  
以諸難。地平如掌。瑠璃  
所成。寶樹莊嚴。寶帳覆  
上。垂寶華旛。寶瓶香爐。  
周徧國界。七寶為臺。一  
樹一臺。其樹去臺。尽一  
箭道。此諸寶樹。皆有菩  
薩聲聞。而坐其下。諸寶  
臺上。各有百億諸天。作

天伎樂。歌歎於仏。以為  
供養。爾時彼仏。為一切  
衆生喜見菩薩。及衆菩薩。  
諸声聞衆。說法華經。是  
一切衆生喜見菩薩。樂習  
苦行。於日月淨明德仏法  
中。精進經行。一心求仏。  
滿万二千歲已。得現一切  
色身三昧。得此三昧已。  
心大歡喜。即作念言。我  
得現一切色身三昧。皆是

得聞。法華經力。我今當  
供養。日月淨明德仙。及  
法華經。即時入是三昧。  
於虛空中。雨曼陀羅華。  
摩訶曼陀羅華。細抹堅黑  
梅檀。滿虛空中。如雲而  
下。又雨海此岸梅檀之香。  
此香六銖。徧直娑婆世界。  
以供養仙。作是供養已。  
從三昧起。而自念言。我  
雖以神力。供養於仙。不

如以身供養。即服諸香。  
梅檀薰陸。兜樓婆畢力迦。  
沈水膠香。又飲瞻蔔。諸  
華香油。滿千二百歲已。  
香油塗身。於日月淨明德  
仏前。以天宝衣。而自纏  
身已。灌諸香油。以神通  
力願。而自然身。光明徧  
照。八十億恒河沙世界。  
其中諸仏。同時讚言。善  
哉善哉。善男子。是真精

進。是名真法。供養如來。  
若以華香。瓔珞。燒香抹  
香塗香。天繒旛蓋。及海  
此岸栴檀之香。如是等種  
種諸物供養。所不能及。  
假使國城。妻子布施。亦  
所不及。善男子。是名第  
一之施。於諸施中。最尊  
最上。以法供養。諸如來  
故。作是語已。而各默然。  
其身火然。千二百歲。過

是已後。其身乃盡。一切  
衆生喜見菩薩。作如是法  
供養已。命終之後。復生  
日月淨明德仏国中。於淨  
德王家。結跏趺坐。忽然  
化生。即為其父。而說偈  
言  
大王今當知 我經行彼處  
即時得一切 現諸身三昧  
勤行大精進 捨所愛之身  
說是偈已。而白父言。日

月淨明德仙。今故現在。  
我先供養仙已。得解一切  
衆生。語言陀羅尼。復聞  
是法華經。八百千萬億那  
由佗。甄迦羅頻婆羅。阿  
閼婆等偈。大王。我今當  
還供養此仙。白已。即坐  
七寶之臺。上昇虛空。高  
七多羅樹。往到仙所。頭  
面禮足。合十指爪。以偈  
讚仙

容顏甚奇妙。光明照十方。  
我適曾供養。今復還親近。  
爾時一切衆生喜見菩薩。  
說是偈已。而白仏言。世  
尊。世尊猶故在世。爾時  
日月淨明德仏。告一切衆  
生喜見菩薩。善男子。我  
涅槃時到。滅盡時至。汝  
可安施牀座。我於今夜。  
當般涅槃。又敕一切衆生  
喜見菩薩。善男子。我以

仙法。囑累於汝。及諸菩薩大弟子。並阿耨多羅三藐三菩提法。亦以三千大千七寶世界。諸寶樹寶臺。及給侍諸天。悉付於汝。我滅度後。所有舍利。亦付囑汝。當令流布。廣設供養。忝起若干千塔。如是日月淨明德仙。敕一切衆生喜見菩薩已。於夜後分。入於涅槃。爾時一切

衆生喜見菩薩。見仏滅度。悲感懊惱。恋慕於仏。即以海此岸栴檀為積。供養仏身。而以燒之。火滅已後。收取舍利。作八万四千宝瓶。以起八万四千塔。高三世界。表刹莊嚴。垂諸幡蓋。懸衆宝鈴。爾時一切衆生喜見菩薩。復自念言。我雖作是供養。心猶未足。我今當更。供養

舍利。便語諸菩薩大弟子。及天。龍。夜叉等。一切大眾。汝等當一心念。我今供養。日月淨明德仏舎利。作是語已。即於八万四千塔前。然百福莊嚴臂。七万二千歳。而以供養。令無數求声聞衆。無量阿僧祇人。發阿耨多羅三藐三菩提心。皆使得住。現一切色身三昧。

爾時諸菩薩。天人阿修羅等。見其無臂。憂惱悲哀。而作是言。此一切衆生喜見菩薩。是我等師。教化我者。而今燒臂。身不具足。于時一切衆生喜見菩薩。於大衆中。立此誓言。我捨兩臂。必當得仙。金色之身。若實不虛。令我兩臂。還復如故。作是誓已。自然還復。由斯菩薩。

福德智慧。淳厚所致。當爾之時。三千大千世界。六種震動。天雨寶華。一切天人。得未曾有。仏告宿王華菩薩。於汝意云何。一切衆生喜見菩薩。豈異人乎。今藥王菩薩是也。其所捨身布施。如是無量。百千萬億。那由佗數。宿王華。若有發心。欲得阿耨多羅三藐三菩提者。能

然手指。乃至足一指。供  
養仏塔。勝以国城妻子。  
及三千大千国土。山林河  
池。諸珍宝物。而供養者。  
若復有人。以七宝滿。三  
千大千世界。供養於仏。  
及大菩薩。辟支仏。阿羅  
漢。是人所得功德。不如  
受持。此法華經。乃至一  
四句偈。其福最多。宿王  
華。譬如一切川流江河。

諸水之中。海為第一。此  
法華經。亦復如是。於諸  
如來。所說經中。最為深  
大。又如土山。黑山。小  
鐵圍山。大鐵圍山。及十  
宝山。衆山之中。須彌山  
為第一。此法華經。亦復  
如是。於諸經中。最為其  
上。又如衆星之中。月天  
子。最為第一。此法華經。  
亦復如是。於千萬億種。

諸經法中。最為照明。又  
如日天子。能除諸闇。此  
經亦復如是。能破一切。  
不善之闇。又如諸小王中。  
轉輪聖王。最為第一。此  
經亦復如是於眾經中。最  
為其尊。又如帝釈。於三  
十三天中王。此經亦復如  
是。諸經中王。又如大梵  
天王。一切眾生之父。此  
經亦復如是。一切賢聖。

学無学。及發菩薩心者之  
父。又如一切。凡夫人中。  
須陀洹。斯陀含。阿那含。  
阿羅漢。辟支仙。為第一。  
此經亦復如是。一切如來  
所說。若菩薩所說。若声  
聞所說。諸經法中。最為  
第一。有能受持。是經典  
者。亦復如是。於一切衆  
生中。亦為第一。一切声  
聞。辟支仙中。菩薩為第

一。此經亦復如是。於一切諸經法中。最為第一。如仏為諸法王。此經亦復如是。諸經中王。宿王華。此經能救一切衆生者。此經能令一切衆生。離諸苦惱。此經能大饒益一切衆生。充滿其願。如清涼池。能滿一切。諸渴乏者。如寒者得火。如裸者得衣。如商人得主。如

子得母。如渡得船。如病  
得医。如暗得燈。如貧得  
宝。如民得王。如賈客得  
海。如炬除暗。此法華經。  
亦復如是。能令衆生。離  
一切苦。一切病痛。能解  
一切。生死之縛。若人得  
聞。此法華經。若自書。  
若教人書。所得功德。以  
仙智慧。籌量多少。不得  
其辺。若書是經卷。華香

瓔珞。燒香抹香塗香。旛  
蓋衣服。種種之燈。蘇燈  
油燈。諸香油燈。瞻蔔油  
燈。須曼那油燈。波羅羅  
油燈。婆利師迦油燈。那  
婆佗摩利油燈供養。所得  
功德。亦復無量。宿王華。  
若有人。聞是藥王菩薩本  
事品者。亦得無量無邊功  
德。若有女人。聞是藥王  
菩薩本事品。能受持者。

盡是女身。後不復受。若  
如來滅後。後五百歲中。  
若有女人。聞是經典。如  
說修行。於此命終。即往  
安樂世界。阿彌陀仏。大  
菩薩衆。圍繞住処。生蓮  
華中。宝座之上。不復為  
貪欲所惱。亦復不為。瞋  
恚愚痴所惱。亦復不為。  
憍慢嫉妬。諸垢所惱。得  
菩薩神通。無生法忍。得

是忍已。眼根清淨。以是  
清淨眼根。見七百萬二千  
億。那由佗。恒河沙等。  
諸仏如來。是時諸仏。遙  
共讚言。善哉善哉。善男  
子。汝能於釈迦牟尼仏法  
中。受持読誦。思惟是經。  
為佗人説。所得福德。無  
量無辺。火不能燒。水不  
能漂。汝之功德。千仏共  
説。不能令尽。汝今已能。

破諸魔賊。壞生死軍。諸  
余怨敵。皆悉摧滅。善男  
子。百千諸仙。以神通力。  
共守護汝。於一切世間。  
天人之中。無如汝者。唯  
除如來。其諸聲聞。辟支  
仙。乃至菩薩。智慧禪定。  
無有與汝等者。宿王華。  
此菩薩。成就如是。功德  
智慧之力。若有人。聞是  
藥王菩薩本事品。能隨喜

讚善者。是人現世口中。  
常出青蓮華香。身毛孔中。  
常出午頭栴檀之香。所得  
功德。如上所說。是故宿  
王華。以此藥王菩薩本事  
品。囑累於汝。我滅度後。  
後五百歲中。廣宣流布。  
於閻浮提。無令斷絕。惡  
魔魔民。諸天。龍。夜叉。  
鳩槃荼等。得其便也。宿  
王華。汝當以神通之力。

守護是經。所以者何。此  
經則為。閻浮提人。病之  
良藥。若人有病。得聞是  
經。病即消滅。不老不死。  
宿王華。汝若見有。受持  
是經者。心以青蓮華。盛  
滿抹香。供散其上。散已  
作是念言。此人不久。必  
當取草。坐於道場。破諸  
魔軍。當吹法螺。擊大法  
鼓。度脫一切衆生。生老

病死海。是故求仙道者。  
見有受持是經典人。应当  
如是。生恭敬心。說是藥  
王菩薩本事品時。八万四  
千菩薩。得解一切衆生語  
言陀羅尼。多宝如來。於  
宝塔中。讚宿王華菩薩言。  
善哉善哉。宿王華。汝成  
就不可思議功德。乃能問  
釈迦牟尼仙。如此之事。  
利益無量一切衆生